

## N festival ence fascian

Na raprezentanza de Fascia al Festival de l'Economia de Trent

Ence la Val de Fascia é stata protagonista al 7° Festival de l'Economia de Trent e la é protagonista adertura dal cher organisatif del piú emportant event de duta la zità de Trent e de la Provinzia entrìa. Defat, i fascegn pel esser stolc de saer che proprio na ladina, la dotora Marilena Defrancesco, apede che esser la dirigenta del Servije de la mendranzes linguistiches de la Provinzia de Trent, l'é la responsabola del dipartiment "Grandi Eventi" de la Provinzia e donca componenta del comitat de endrez del Festival.

Tedò "la quintes" e segur ence te anter l publich, ma ence tedò i desc di reladores, Fascia à fat veder si miores raprezentanc. L'é l cajo de Matteo Ploner, "assistant professor" de la Facoltà de

Economia de l'Università de Trent, che ence chest an à tout pèrt a desvalives momenc del Festival, deschechel portà dant ensema al Laboratorie de Economia comportamentala de l'Università de Trent, dechel che fèsc pèrt ence n auter fascian e semper da Dèlba, Ivan Soraperra. E dapò, desche ogne an no l'é mencià i servijes televisives dal Festival realisé per fascian da la redazion de Ercamedia de Silvano

Ploner e che se pel ence veder sul sit [www.tvladina.com](http://www.tvladina.com). Ma la neva piú curiosas de chest an l'é stat ence la prezenza al Festival de la firma "Ti porto io" de Arnaldo Pellegrin da Soraga che l'é stat domanà per



**Marilena Defrancesco, responsabola di Gregn Evenc de la PAT, endèna l Festival, ensema a l'assessor provinzièl Alessandro Olivi.**

ge fèr da autist personèl a l'american George Soros, un di sostegnidores piú de nonzech de la democrazia tel mond e un di ghesc piú speté al Festival de l'Economia de chest an. (vr)